

Pindaan Akta 370 diluluskan, pastikan pengurusan wang tak dituntut lebih cekap

Oleh [Zanariah Abd Mutalib](#) - Mac 26, 2024 @ 4:59pm

zanariah_mutalib@bh.com.my



Timbalan Menteri Kewangan, Lim Hui Ying. - Foto BERNAMA

KUALA LUMPUR: Rang Undang-Undang (RUU) Wang Tak Dituntut (Pindaan) 2024 diluluskan di Dewan Rakyat hari ini, yang akan memastikan operasi pengurusan Wang Tak Dituntut (WTD) dilaksanakan dengan lebih cekap dan berkesan.

Timbalan Menteri Kewangan, Lim Hui Ying, berkata RUU itu juga dapat meningkatkan pematuhan syarikat/ firma terhadap Akta Wang Tak Dituntut (Akta 370) dan mempamerkan mesej yang jelas mengenai komitmen kerajaan dalam memperkukuhkan tadbir urus WTD.

"Selain itu, pindaan itu juga akan selaras dengan keperluan semasa demi menjaga kepentingan orang awam, terutama empunya WTD.

"Cadangan pindaan itu juga akan dapat meningkatkan kecekapan penyampaian perkhidmatan awam dan menjimatkan perbelanjaan kerajaan untuk tempoh jangka sederhana dan panjang," katanya ketika bacaan kali kedua RUU itu di Dewan Rakyat, hari ini.

DISYORKAN UNTUK ANDA

- Wang tak dituntut dikredit ke Akaun Hasil Disatukan selepas 10 tahun
- Pindaan RUU Wang Tak Dituntut dibentang
- Dewan Negara lulus Rang Undang Undang Kewangan (No. 2) 2023

- **Pindaan Akta SUHAKAM wajib wakil OKU, 30 peratus wanita dilantik anggota**
- **RUU Perlembagaan (Pindaan) 2024 dibentangkan di Dewan Rakyat**
- **Dewan Negara lulus RUU LHDN (Pindaan) 2023**
- **Akta Keselamatan Sosial Pekerja dipinda, tambah baik liputan keselamatan sosial pekerja**
- **Dua RUU di bawah Kementerian Kewangan dibentang untuk bacaan kali pertama**

Hui Ying berkata, pindaan Akta 370 yang terkandung dalam RUU itu membabitkan peruntukan di bawah beberapa Fasal.

Pindaan Fasal 3 membabitkan kemasukan seksyen baharu 2a bagi memperuntukkan skop WTD berbangkit daripada pemotongan takrif "unclaimed moneys" di bawah seksyen 8 Akta 370.

Seksyen baharu 2a yang dicadangkan itu juga bertujuan memperuntukkan bahawa WTD perlu dibayar kepada pemunya selepas wang itu menjadi kena dibayar daripada satu kepada dua tahun.

Pindaan seksyen 5 dan 6 Akta 370 di bawah Fasal 5 dan 6 bertujuan memperuntukkan hanya Pendaftar, Timbalan Pendaftar dan Penolong Pendaftar yang dilantik Menteri sebagai orang yang bertanggungjawab bagi menguruskan WTD dan Sekuriti Tak Dituntut (STD).

"Selain itu, pindaan subseksyen 10a (1) di bawah Fasal 9 memperuntukkan daftar wang tak dituntut yang mengandungi butir-butir WTD yang dipegang syarikat atau firma yang kekal tidak dibayar sehingga ke hari terakhir Disember tahun yang sebelumnya, perlu disiarkan melalui perantara elektronik atau secara penyampaian elektronik.

"Kaedah pewartaan sedia ada membebankan kerajaan, yang mana purata kos pewartaan adalah RM10.5 juta setahun dan kos terkini mencecah sehingga RM15.5 juta pada 2023 dapat dijimatkan dengan pindaan itu," katanya.



ELECTRICK

Saya Jimat 90% untuk Elektrik, Terima Kasih kepada Peranti Ini

KETAHUI L/

BERITA BERKAITAN